

本州匪纂下

楚北屠變臣輯

脈訣附後

本草匯纂

同治癸亥夏鐫

育德堂藏板

青黛

端入肝

味鹹性寒無毒大瀉肝經實火及散肝經火鬱

係藍靛浮沫攪澄掠出取乾而成治天行頭痛發熱

瀉肝散五臟鬱火解煩熱消食積止吐血咯血痢血除小兒風

熱驚癇疳毒丹熱殺蟲磨傳癰瘡蛇犬等毒金瘡出血同大黃

末傳之尤良如聖餅子治咯血用青黛同杏仁研置柿餅中煨

食皆取苦寒之性以散風鬱燥結之義卽云功與藍等而止

血拔毒之功治膈化蠱之力更有勝也藍葉與莖卽名大青大

瀉肝膽實火以祛心胃熱毒故於時疾陽毒發斑喉痺等症最利

斑由裏實表虛而得故斑得以透肌斑如疹子者其熱輕斑如

錦紋者其熱重斑如紫黑者其熱極重而胃爛也舌胎赤斑頭痛

有犀角大青湯一婦患臍腹二陰徧生溼瘡熱痒而痛出黃汗

二便澁用鰻鱧松脂黃丹之類塗之熱痛愈甚其婦嗜酒喜食魚
蝦發風之物乃用馬齒莧四兩研爛入青黛一兩和塗熱痛皆去
仍用八正散而愈此中下焦蓄蘊風熱毒氣若不出當作腸風內
痔婦不能禁酒果仍發痔

龍膽草

耑入肝膽兼入膀胱腎大苦大寒無毒沈陰下降大
瀉肝膽火邪兼膀胱腎經除下焦溼熱功同防己除

胃中伏熱時氣溫熱骨間寒熱驚癇邪氣蠱隔天行瘟疫去目中
黃及睛赤腫脹瘀內高起痛不可忍療咽喉痛風熱盜汗口乾熱
狂熱痢疽黃寒溼腳氣去腸中小蟲殺蠱毒治小兒壯熱骨蒸客
忤疳氣癰腫瘡疥明目止煩苦寒至極大損胃氣無實火者忌
甘草水浸暴用小豆貫眾爲惡地黃酒浸亦能外行止行

汪昂曰目疾初起宜發散忌涼藥經云火在上者因而越之 腳氣因足傷於寒溼而成但腫而不痛者爲溼腳氣宜清熱利溼搜風拘攣枯細痛而不腫者爲乾腳氣宜養血潤燥舒筋

玄參

入腎

苦鹹微寒無毒入腎補水瀉無根浮游之火上

攻咽喉

主暴中風傷寒身熱支滿狂邪忽忽不知人熱

風頭痛傷寒陽毒發斑懊懣煩渴溫瘧喉痺咽痛癰癰結核癰疽鼠瘻骨蒸傳屍下水止煩滋陰降火 然此只可暫用以熄火非若地黃溫腎壯水以制陽光故元參非真能滋陰亦以火折而陰不受熬煎自能滋也 若脾虛泄瀉者切忌 蒸過焙用勿犯鐵器惡黃耆山茱萸棗反藜蘆 腎脈貫肝膈入肺中循喉嚨系舌本凡腎水虛損相火上炎者多有喉痺咽腫咳嗽吐血等症

射干

耑入心肝脾 辛苦微寒有小毒瀉火解毒散血消痰

治喉痺咽痛爲要藥消結核疳瘰治咳逆上氣腹中邪逆
胸滿氣喘去胃中癰瘡療老血在心脾間痰涎積於肺脾肝內降
實火利大腸通經閉治便毒瘡母等症 惟實火者宜之虛則大
戒 泔水浸一日箠竹葉煮半日

天冬

耑入肺兼入心腎 甘苦大寒清金降火益水之上源下
通足少陰腎 潤燥滋陰保定肺氣治欬逆喘促肺痿生

癰吐膿除熱中風主心病噤乾心痛渴而欲飲痿躄嗜臥足下熱
而痛殺蟲治溼疥及一切有火諸症 陽事不起宜常服之 但
性寒而滑利若脾胃虛寒及熱而洩泄惡食者忌 取肥大明亮
者良去心皮酒蒸用地黃貝母爲使惡鯉魚 熬膏尤良 肺癰

本於五臟蘊火及胃中積熱上而與外感風寒內傷營血熱結而成
痿則本於津液枯槁不能上輸於肺及風熱傷衛而致氣竭
力疲 癰則爲陽實痿則爲陰虛 癰則邪傷於營故唾有血而
無沫而便多下膿垢痿則邪傷於衛故唾有沫而無血而便多下
濁沫 癰則口中辟辟作燥而渴痿則口中不燥而步武喘鳴冲
擊連聲而痰始應 癰則胸中隱隱作痛痿則胸中不痛而氣餒
不振癰則脈數而實痿則脈數而虛 癰則宜表宜下痿則宜滋
宜潤 治法因於內者從內酌治因於外者從外酌解因於虛者
養血補氣保肺因於溼者瀉熱豁痰開提升散

丹皮

耑入心腎肝 辛苦微寒無毒瀉腎經血分實火實熱治
無汗骨蒸並治心腎肝三經血中伏火 和血涼血而生

血破積血止衄血吐血主治寒熱中風痙瘓驚癇除癥堅瘀血留
舍時氣頭痛煩熱五勞勞氣頭腰痛風禁癰疾散諸痛療癰瘡退
無汗之骨蒸治女子經脈不通血滯腰痛下胞胎及產後一切冷
熱血氣 時珍曰伏火爲陰火卽相火熾盛則血必枯必燥必滯
與火上浮因爲吐爲衄 汪昂曰血屬陰本靜因相火所逼故越
出上竅 世人常以黃柏治相火而不知丹皮之功更勝蓋黃柏
苦寒而燥初傷胃久則敗陽苦燥徒存補陰絕少丹皮赤色象離
能瀉陰中之火使火退而陰生所以入腎而佐滋補之用較黃柏
不啻霄壤矣 元素曰丹皮治無汗之骨蒸地骨皮治有汗之骨
蒸神志不足者屬心與腎仲景腎氣丸用丹皮治神志不足也內
經曰水之精爲志故腎藏志火之精爲神故心藏神 但補性少

泄性多凡胃氣虛寒血崩經行過期不淨者並禁胎前亦宜酌用
赤者利血白者兼補氣單瓣花紅者入藥肉厚者佳酒拌蒸用
忌蒜胡荽伏砒畏貝母菟絲大黃 瘰則筋急而縮癰則筋緩而
伸或伸或縮手如曳鋸謂之瘰癧卽俗所謂痛搦驚則外有所觸
心無所主癰則卒然昏仆身軟吐痰時發時止 五癆一曰志癆
二曰心癆三曰思癆四曰憂癆五曰疫癆

黃蘗

耑入腎兼入膀胱 味苦性寒微辛沈陰下降瀉膀胱相
火除溼清熱補下焦虛 治心痛鼻衄頭瘡口瘡骨蒸勞

熱目赤耳鳴消渴便閉諸痿癰瘰水瀉熱痢黃疸水腫痔血腸風
諸瘡痛癢殺蟲安虻男子陰痿及傳莖上瘡治下血如雞鴨肝片
女子漏下赤白陰陽蝕瘡傳小兒頭瘡診其尺果洪大按之有力

可炒黑暫用使其溼熱順流陰火潛消則陰不受熬煎乃能得長
非黃柏真能滋陰也 得知母滋陰降火得蒼朮除溼清熱爲治
痿要藥得細辛瀉膀胱火治口舌生瘡 川產肉厚色深者良生
用降實火蜜炙則庶不甚傷胃炒黑能止崩帶酒製治上蜜製治
中鹽製治下惡乾漆得知母良 必屬實火方宜若虛火誤服則
恐有寒中之變 奈今人不問虛實竟以爲去熱治癆之妙藥而
不知陰寒之性損人氣滅人食消亡命門真元之火阻喪脾胃運
行之職元氣旣虛又用苦寒遏絕生機爲患莫測 自古人同知
母用於六味丸中名知柏地黃丸又知柏各一兩酒洗焙乾入桂
名滋腎丸謂其可滋真陰此說一出天下翕然宗之至今牢不可
破詎知黃柏性稟至陰味苦性寒只入腎瀉火入膀胱瀉熱且行

嚴冬肅殺之令安能補陰不可不知 時珍曰東垣丹溪皆以黃柏爲滋陰降火要藥上古所未言也蓋氣爲陽血爲陰邪火煎熬則陰血漸涸故陰虛火動之病須之然必少壯氣盛能食者用之方宜 癰癰本有氣虛血虛脾虛腎虛溼痰死血之別但因熱傷血血不養筋而致奕短而拘因溼則傷筋筋不束骨而致弛長而痿宜用蒼朮黃柏名二妙散以治 震亨曰火有二君火者人火也心火也可以溼伏可以水滅可以直折黃連之屬可以制之相火者天火也龍雷之火也陰火也不可以水溼折之當從其性而伏之惟黃柏之屬可以降之 汪昂曰按火有虛火實火燥火溼火相火鬱火之異虛火宜補實火宜瀉燥火宜滋潤鬱火宜升發溼火由溼鬱爲熱多病肘腫經所謂諸腹脹大皆屬於熱諸病肘

腫皆屬於火是也宜利溼清熱而兼補脾相火寄於肝腎乃龍雷之火非苦寒所能勝宜滋腎養血壯水之主以制陽光又按諸病之中火症爲多有本經自病者如忿怒生肝火焦思生心火之類是也有子母相尅者如心火尅肺金肝火尅脾土之類是也有臟腑相移者如肺火咳嗽久則移熱於大腸而泄瀉心火煩焦久則移熱於小腸而爲淋閉之類是也又有別經相移者有數經合病者當從其重者而治之

桑白皮

喘入肺

辛甘性寒無毒善入肺中氣分瀉火利水除

痰泄氣

治肺熱喘滿唾血熱渴水腫臃脹虛勞客熱

頭痛消痰止渴開胃下食療腹滿水腫霍亂吐瀉利二便散瘀血下氣行水殺腹臟蟲煮汁飲利五臟入散用下一切風氣水氣

研汁治小兒天吊驚癇客忤及傳驚口瘡大驗 爲線可縫金

瘡 時珍曰桑白皮長於利小水乃實則瀉其子也故肺中有水
氣及肺火有餘者宜之十劑云燥可去溼桑白皮赤小豆之類是
也此燥字就溼去重除之後而言勿泥燥熱之燥看 羅謙甫曰
是泄肺中火邪非瀉肺氣也火與元氣不兩立火去則氣得安矣
但性寒而裂肺虛火衰水涸風寒作嗽者爲切忌焉 刮去皮

取白或生用或恐瀉氣則蜜炙用續斷桂心爲使忌鐵 桑枝能
通關節行津液祛風利水治偏體風癢乾燥水氣腳氣久服終身
不患偏風療口乾及癰疽後渴用嫩條細切一升熬香煎飲亦無
禁忌扎把燃火則能除風去痺故煎藥熬膏良 桑椹甘酸而溫
色黑入腎而補水利五臟關節痛安魂鎮神聰耳明目除熱養陰

生津止渴烏鬚黑髮利水消腫解酒不可多食恐致衄 口乾爲
末蜜丸良取極熟者瀹汁熬膏入蜜煉稠點湯和酒竝妙入燒酒
經年愈佳四月飲桑椹酒能理百種風 桑耳散血除瘀破癥攻
瘕 桑葉清肺瀉胃涼血燥溼去風長髮明目代茶止消渴末服
止盜汗 米醫錢乙治肺氣熱盛咳嗽而後喘面腫身熱瀉白散
用桑白皮炒一兩地骨皮焙一兩粉甘草炒半兩每服一二錢入
粳米百粒水煎食後溫服桑白皮地骨皮皆能瀉火從小便去甘
草瀉火而緩中粳米清肺而養血此乃泄肺諸方之準繩也 時
珍曰煎藥用桑者取其能利關節除風寒溼痺諸痛也觀靈樞經
治寒痺內熱用桂酒法以桑炭炙布巾熨痺處 又癰疽發背不
起發或瘀肉不腐潰及陰瘡癰癰流注膿瘡頑瘡惡瘡久不愈者

用桑木灸法未潰則拔毒止痛已潰則補接陽氣亦取桑通關節
去風寒火性暢達出鬱毒之意其法以乾桑木劈成細片紮作小
把燃火吹熄灸患每吹灸片時以瘀肉腐動爲度內服補托藥誠
良方也 聖濟錄治吐血不止晚桑葉焙研涼茶服三錢只一服
止後用補肝肺藥 千金方治頭髮不長用桑葉麻葉煮泔水沐
之七次可長數尺 集簡治風眼下淚用臘月不落之桑葉煎湯
日日溫洗或入芒硝 扶桑丸除風溼烏鬚明目用黑芝麻同桑
葉等分爲丸經霜葉研末米飲服止盜汗

山梔子

耑入心肺 味苦大寒輕飄象肺色赤入心瀉心肺熱
邪使之屈曲下行從小便而出 解三焦鬱火平熱厥

頭痛面赤目赤口噤心痛音啞止吐血衄血崩淋血痢損傷瘀血

心煩懊懣不眠解五黃五淋亡血津枯消渴除時疾熱去熱毒風
紫癰白癰皰瘡瘍殺麀蠱毒風瘡 上治心肺火下泄肝腎膀
胱火清胃脘血療大小腸大熱消臍下血滯 惟其氣浮故仲景
用以吐上焦痰滯惟其味苦故丹溪用以降內鬱熱邪 然損胃
伐脾氣虛者忌之心腹痛不因火者尤爲大戒若非實熱概用恐
有損食瀉洩之虞 生用瀉火治上爲宜炒黑止血治下爲宜薑
汁炒止煩嘔內熱用仁表熱用皮 心痛因熱固當用此但丹溪
謂心痛久則鬱而成熱特就大勢論耳若使痛喜手按及痛喜飲
熱湯其痛雖久豈可作熱治乎仍當以臟之陰陽及今所見之兼
症兼脈以分病之是寒是熱藥之宜溫宜涼不可拘泥 梔子止
熱鬱之血耳若經寒而血不歸則不可妄用本草匯曰治實火之

血順氣爲先氣行則血自歸經治虛火之血養正爲先氣壯則自能攝血柰今醫士不論寒熱虛實但見血病卽作熱治妄用梔連芩柏殊爲可惜 治衄血不止用山梔子燒灰吹之屢效 治小便不通用梔子仁十四箇獨蒜頭一箇滄鹽少許搗貼臍及囊良久卽通 治喫飯直出用梔子二十四箇微炒去皮水煎服 治下痢癰紅血用梔子燒灰水服一錢匙 煩則屬氣燥則屬血故梔豉湯吐虛煩客熱瓜蒂散吐痰食宿食

地骨皮

喘入肺腎

味甘氣寒降肺中伏火除肝腎虛熱涼血

涼骨

治吐血尿血咳嗽五內煩熱腎熱消渴外治肌

熱虛汗上除頭風痛中平胸脇痛下痢大小腸療在表無定之風邪傳尸有汗之骨蒸 卽枸杞根也與丹皮同治骨蒸但丹皮治